

CIVILNO DRUŠTVO U AKCIJI ZA DIJALOG I PARTNERSTVO

U drugom broju elektronskog biltena predstavljamo dio aktivnosti realizovanih u okviru projekta "Civilno društvo u akciji za dijalog i partnerstvo", dok je tema ovog broja saradnja opština/općina i nevladinih organizacija u BiH kroz finansijsku podršku projektima koje nevladine organizacije implementiraju, kriterijima za odabir projekat, te visini dodijeljenih sredstava.

Newsletter No.2, March 2012

Prijedor: Održan prvi trening za OCD "Strateško planiranje"



Od 10. do 12. decembra 2011. godine u okviru projekta "Civilno društvo u akciji za dijalog i partnerstva" u Prijedoru je održan dvodnevni trening za organizacije civilnog društva na temu "Strateško planiranje".

Učesnici treninga su bili predstavnici organizacija civilnog društva koji žele steći i unaprijediti svoje znanja iz oblasti strateškog planiranja. Treningu je prisustvovalo 29 članova organizacija civilnog društva iz 8 opština Bosne i Hercegovine (Prijedora, Tuzle, Bihaća, Breze, Zavidovića, Jablanice, Mostara i Doboja).

Cilj prvog u nizu od ukupno četiri treninga tokom implementacije projekta je podrška u sticanju osnovnih znanja o procesu strateškog planiranja, kao što su izrada SWOT analize, dugoročnih i kratkoročnih pravaca razvoja.

Učesnici su stekli razumijevanje o procesu izrade strateškog plana, povećali znanje o definisanju različitih elemenata strateškog plana i usavršili vlastite metode izrade strateškog plana.

Svi učesnici treninga su izjavili da se i u buduće treba nastaviti sa praksom održavanja ovakvih treninga u cilju sticanja i unapređivanja svojih znanja i iz drugih oblasti, i istakli potrebu da nastave uzajamnu komunikaciju i suradnju.

Zavidovići: Održan drugi trening za OCD "Upravljanje projektnim ciklusima"

U periodu od 15.-17. marta 2012., Zavidovići su bili centar događanja u sklopu implementacije projekta "Civilno društvo u akciji za dijalog i partnerstvo", koji održan u Motelu Marić, Žepče. Ovaj trening dio je niza treninga za jačanje kapaciteta civilnog društva predviđenih planom aktivnosti u okviru projekta: „Civilno društvo u akciji za dijalog i partnerstvo“, . Treneri su bili Igor Kajgana iz Mostara i Slobodan Vulesic iz Trebinja. Na njemu je učestvovalo 20 predstavnika nevladinih organizacija sa područja Tuzle, Mostara, Konjica, Zenice, Prijedora, Breze i Zavidovića. Za više informacija o treningu: www.lda-mostar.org



Zavidovići: U okviru projekta formirane dvije tematske radne grupe

16.03.2012. godine upriličen je sastanak tematskih radnih grupa, koje su osnovane u okviru projekta. Formiranjem ovih radnih grupa započeta je saradnja sa predstavnicima lokalnog civilnog sektora (i mrežama NVO), ekspertima, think-tank grupama aktivnim u oblasti praćenja i provođenja Sporazuma o saradnji kao i postojećim mrežama NVO koje su aktivne u promociji u izgradnji međusektorskih partnerstava. Formirane su dvije radne grupe, i to: Radna grupa za provođenje lokalnih sporazuma o suradnji koju će voditi Murisa Marić, direktorica DON Prijedor i Radna grupa za podršku lokalnim organizacijama civilnog sektora koju će voditi Vehid Šehić, direktor FGT Tuzla.



BIHAĆ

Bez obzira na činjenicu da Općina Bihać nema potpisan generalni sporazum sa NVO sektorom, saradnja se ostvaruje po osnovu pojedinačno potpisanih sporazuma sa oko 50 aktivnih nevladinih organizacija od ukupno 260 registriranih na teritoriji općine. Prošlogodišnjim Javnim pozivom Općine Bihać akcentat je stavljen na mlade i aktivnosti mladih, pa je Općina realizirala budžet u iznosu od 80.000 KM po Javnom pozivu kojim su financirane aktivnosti mladih u kulturi, sportu i turizmu, ali i projekti edukacije mladih. Dodatnih 15.000 KM je obezbjeđeno za prijedloge projekata vijeća učenika srednjih škola na teritoriji općine kojom je mladima pružena prilika da predstave probleme njihovih škola te kroz predloženi projekat ostvare sufinansiranje od strane Općine.



BREZA



Prema nacrtu budžeta planirani grantovi Općine Breza neprofitnim organizacijama za 2012. godinu su: 146.000 KM za sportska društva, 27.600 KM - za boračka udruženja, a 46.400 KM za ostala udruženja. Kao što i sami možete vidjeti vjerovatno zbog visine samog budžeta Općine Breza, u općini Breza, nažalost, nemamo posebno izrađene i usvojene kriterije za dodjelu sredstava organizacijama civilnog društva na osnovu dostavljenih projektnih predloga za lokalne aktivnosti. Pored navedenog, možemo još napomenuti da je općina Breza u predhodnom periodu pokazala interes za uspostavu sadržajnije saradnje za nevladinim organizacijama, a kao jedan od primjera jeste donošenje jednoglasne odluke Općinskog vijeća o produženju besplatnog korištenja prostorija općine Breza za udruženja građana Omladinski Centar Desnek u Brezi. Troškove grijanja navedenih prostorija također će snositi općina Breza. Odluka je donesena 28.02.2012 godine na period od godinu dana.

MOSTAR

Organizacijska struktura Gradske uprave Grada Mostara sastoji se od jedinica koje utvrđuje gradonačelnik sukladno Statutu. Organizacijske jedinice gradske uprave uspostavljaju se kao temeljne i unutarne organizacijske jedinice Gradske uprave. Temeljne organizacijske jedinice Gradske uprave su: gradski odjeli i tajništvo gradonačelnika.

Unutarne organizacijske jedinice su: gradske službe. U Gradskoj upravi je organizirano pet odjela, čiji su nazivi, kompetencije, forme i način koordinacije rada službi uređeni Pravilnikom o unutarnjoj organizaciji. Gradski odjeli se organiziraju radi koordiniranja i nadzora rada službi Gradske uprave Grada Mostara.

Gradska Uprava Grada Mostara usvaja budžet godišnje. Prema planu rada i analizi potreba lokalni zajednice, Gradska Uprava Grada Mostara raspisuje natječaj za dodjelu sredstava nevladinim organizacijama. Do 2010. godine taj budžet je bio 200.000,00KM godišnje, i bio je namjenjen svim nevladinim organizacijama i pojedincima. Od 2011. godine, Grad Mostar je, uslijed nedostatka finansijskih sredstava, budžetsku liniju namjenjenu za dodjelu grantova nevladinim organizacijama i pojedincima, izostavio sa budžeta, te se iz budžeta Gradske uprave Grada Mostara izdvaja 10.000,00KM namjenjenih za projekte mladih.



...MOSTAR

Javni poziv za raspodjelu sredstava granta namijenjenog za projekte mladih iz budžeta Grada Mostara raspisan je 31.10.2011. godine.

Kriteriji poziva bili su sljedeći:

Pravo učešća imali su:

omladinska udruženja koja su registrovana u Bosni i Hercegovini i imaju sjedište na području Grada Mostara, a čiji projekti će se realizovati u interesu mladih Grada Mostara i na njegovoj teritoriji,

neformalne grupe mladih (vijeća učenika srednjih škola sa područja Grada Mostara i dr.) uz administrativnu podršku ustanove ili udruženja sa sjedištem na području Grada Mostara.

Pravo učešća imala su i omladinska udruženja i neformalne grupe mladih čije je sjedište na teritoriji druge općine, pod uslovom da se projekat kojim se prijavljuju realizira u interesu mladih Grada Mostara i na području Grada Mostara.

Organizacije su mogle aplicirati na ukupan iznos vrijednosti projekta ili dio nedostajućih sredstava – sufinansiranje, što su bili dužni navesti u prijavnim obrascima.

Uslovi za korištenje budžetskih sredstava su:

A. da se projekt implementira na području Grada Mostara i u interesu mladih Grada Mostara,

B. da pojedinačna vrijednost projekta ili dijela projekta čije se sufinansiranje traži ne prelazi iznos od 1.500,00 KM,

C. da se projekt na drugi način ne finansira sredstvima Grada,

D. da se projekt odnosi na sljedeće:

- projekte koji imaju za cilj poboljšanje kvaliteta života mladih, promovisanje volonterizma i timskog rada,
- originalne, zanimljive i korisne projekte koji podstiču mlade da se uključe i budu aktivni članovi sredine u kojoj žive,
- projekte koji odgovaraju lokalnim potrebama i imaju uticaj na lokalnu zajednicu,
- projekte koji potiču mlade na demokratiju, toleranciju i ravnopravnost spolova,
- projekte koji se odnose na kreativno izražavanje (književnost, likovna umjetnost, muzika, ples, umjetnička fotografija, film i sl.),
- projekte u oblasti društvenog života i slobodnog vremena mladih,
- projekte od uticaja na prevenciju ovisnosti i promociju zdravog života, sporta i slično,
- kao i ekološke projekte i one koji pružaju podršku mladima sa posebnim potrebama.

Odluku o raspodjeli sredstava granta za projekte mladih donosi Gradonačelnik na prijedlog Komisije za ocjenu i izbor projekata za mlade, koja je sačinjena u skladu sa kriterijima propisanim Odlukom o kriterijima i postupku za raspodjelu sredstava granta namijenjenog za projekte mladih iz budžeta Grada Mostara.

Na ovaj javni poziv prijavilo se mnogo organizacija i neformalnih skupina, a sredstva u vrijednosti od 10.000,00KM dobile su sljedeće organizacije i neformalne skupine:

1. Udruženje roditelja i prijatelja osoba s posebnim potrebama „Sunce“ Mostar; naziv projekta: Hipoterapija; iznos dodijeljenih sredstava = 1.500,00 KM;
2. Savez izviđača Grada Mostara; naziv projekta: Vesela olimpijada i Izviđački višeboj „Mostarski susreti 2012“; iznos dodijeljenih sredstava = 1.400,00 KM;
3. Vijeće mladih Grada Mostara; naziv projekta: Vozi, živi zdravo i parkiraj sigurno; iznos dodijeljenih sredstava = 1.400,00 KM;
4. Kulturno-sportsko društvo Mostarske mažoretkinje; naziv projekta: Samostalni koncert Mostarske mažoretkinje 2011; iznos dodijeljenih sredstava = 1.400,00 KM;
5. Sportsko društvo odbojkaški klub „Student“ Mostar; naziv projekta: Regionalni turnir mladih – odbojka; iznos dodijeljenih sredstava = 1.000,00 KM;
6. Kulturno-umjetničko društvo „Blagaj“ Blagaj, Mostar; naziv projekta: Nabavka nošnje; iznos dodijeljenih sredstava = 800,00 KM;
7. Omladinsko udruženje „Tempo X“, Mostar; naziv projekta: Moje dvorište – Moja brigada; iznos dodijeljenih sredstava = 700,00 KM;
8. Udruženje „Novi put“, Mostar; naziv projekta: Prevencija maloljetničke delikvencije; iznos dodijeljenih sredstava = 500,00 KM;
9. AIESEC LC Mostar; naziv projekta: Children of tomorrow; iznos dodijeljenih sredstava = 400,00 KM;
10. Vijeće učenika JU Srednje mašinsko-saobraćajne škole Mostar; naziv projekta: Čitaj da bi bio informisan; iznos dodijeljenih sredstava = 300,00 KM;
11. Vijeće učenika Srednje prometne škole Mostar; naziv projekta: Školski list „Prometnik br.11“; iznos dodijeljenih sredstava = 300,00 KM;
12. Vijeće učenika JU Srednje ekonomske i ugostiteljsko-turističke škole Mostar; naziv projekta: Školski list „Naši koraci“; iznos dodijeljenih sredstava = 300,00 KM.

Za 2012. godinu Gradska uprava Grada Mostara je u nacrtu budžeta predvidjela takodjer 10.000,00KM za projekte namjenjene mladima. Za sada je ovo samo prijedlog, jer upravo slijedi usvajanja budžeta Grada Mostara za 2012. godinu.



PRIJEDOR

U opštini Prijedor u prošloj godini nastavljen je pozitivan trend dodjele sredstava organizacijama civilnog društva i poštivanju odredbi potpisanog Sporazuma o saradnji između Opštine i OCD-a. U budžetu opštine Prijedor za 2011. godinu postoji nekoliko budžetskih linija za dodjelu sredstava neprofitnim organizacijama kao što su:

Grant za stambeno zbrinjavanje Roma	270.000 KM
Finansiranje kulturno-umjetničkih društava	80.000 KM
Finansiranje projekata nacionalnih manjina	25.000 KM
Finansiranje socijalno-humanitarnih saveza i udruženja	35.000 KM
Finansiranje crvenog krsta	60.000 KM
Pomoć vjerskim institucijama za izgradnju i rekonstrukciju vjerskih objekata	50.000 KM
Učešće u finansiranju penzionera Opštine Prijedor	210.000 KM
Finansiranje projekata NVO	45.000 KM
Programi omladine i pitanja mladih	70.000 KM
Ukupno sredstva za finansiranje saveza, udruženja i ostalih NVO	845.000 KM



Za NVO i omladinski sektor 93.000 KM

Opština Prijedor će u ovoj godini sa 45.000 KM finansirati projekte nevladinih organizacija, a sa 48.000 KM projekte omladinskih organizacija. Načelnik Odjeljenja za društvene djelatnosti opštine Prijedor Ljiljana Babić potvrdila je na konferenciji za novinare da se već treću godinu sredstva za ove kategorije ne raspodjeljuju po sistemu donacija. "Prije dva mjeseca raspisali smo javni poziv za dostavljanje prijedloga projekata koji se potom biraju po veoma strogim kriterijumima i po međunarodnoj metodologiji", rekla je Babićeva. Ona je dodala da su projekte predložile 44 nevladine organizacije od kojih je 31 ispunjavala uslove konkursa, a od kojih su za 21 odobreni projekti u vrijednosti od 1.000 do 5.000 KM. "Riječ je o projektima iz oblasti zdravstva, obrazovanja, sporta, kulture, ekologije i socijalne zaštite koji će biti od koristi bilo široj društvenoj zajednici bilo osobama sa invaliditetom ili mentalno nedovoljenom razvijenošću, bilo nacionalnim manjinama ili marginalizovanim grupama", navela je Babićeva. Ona je podsjetila da je za omladinski sektor bilo namijenjeno 70.000 KM iz opštinskog budžeta za 2011. godinu, ali da, će zbog nedovoljnog broja kvalitetnih projekata, u tu namjenu biti utrošeno 48.000 KM. "Konkurisalo je 19 omladinskih organizacija od kojih je samo devet ispunilo uslove i svaka je dobila iznos koji je i tražila u projektnoj dokumentaciji, u rasponu od 2.500 do 13.000 KM", rekla je Babić. Prema njenim riječima, opština Prijedor nastoji da podstakne osnivanje novih organizacija u ovom sektoru na način da odobrava sredstva potrebna za registraciju omladinskih organizacija. "Većina aktivista postojećih omladinskih organizacija prelazi starosnu granicu i ovaj sektor potrebno je podmlađivati učenicima i studentima", istakla je Babićeva. Ona je ponovila da će, osim budžetskog novca, opština Prijedor sa još 14 opština u BiH ove godine učestvovati i u projektu UNDP-a vrijednom 1,5 milion evra za koji je raspisan poziv organizacijama civilnog društva iz cijele BiH da dostave projekte.

Rang lista omladinskih organizacija pozitivno ocijenjenih koje su podnijele prijave na javni konkurs za izbor najpovoljnijeg projekta u oblasti poboljšanja položaja mladih opštine Prijedor—2011. godina

RB	UDRUŽENJE/FONDACIJA	VRIJEDNOST PROJEKTA	TRAŽENI IZNOS	ODOBRENI IZNOS
1	Omladinska organizacija "Mladost" Bistrica	35.739,00	13.000,00	13.000,00
2	Omladinska organizacija "Gornja Dragotinja" Prijedor	3.500,00	3.500,00	3.500,00
3	UG "Omladinski centar Ljubija"	6.325,00	3.600,00	3.600,00
4	Udruženje pronalazača Prijedora	1.000,00	1.000,00	1.000,00
5	Udruženje za edukaciju, prevenciju i tretman zavisnosti "Stop drogi" Prijedor	4.522,00	4.522,00	4.522,00
6	Društvo "Manifest" Prijedor	41.150,00	10.100,00	10.100,00
7	Omladinska organizacija "Glide" Prijedor	4.000,00	2.500,00	2.500,00
8	Udruženje mladih umjetnika "Free Skill Prijedor"	4.800,00	4.800,00	4.800,00




... PRIJEDOR

Prošlu godinu pored dodjele sredstava iz opštinskog budžeta, obilježila su i znatna sredstva dodjeljena putem javnog poziva od strane UNDP i opštine Prijedor. Značaj ovog poziva ogleda se u tome što je jedan od kriterija za opštine bio potpisani Sporazum, kao i učešće u sufinansiranju projekata OCD-a. Na javni poziv u opštini Prijedor konkurisale su 23 OCD, a dodjeljena su sredstva za 6 projekata i 5 OCD-a.

Br	Naziv organizacije	Naziv projekta	BODOVI	KOMENTAR
1	UG Don	Šansa za novi početak	84	ODOBREN
2	Udruženje građana Viktorija Banja Luka	Otvaranje savjetovišta za prevenciju i tretman bolesti zavisnosti u Prijedoru	81	ODOBREN
3	UG Don	Volontiraj i pomoz	81	ODOBREN
4	Ekološko društvo Kozara	Revitalizacija izletišta i dječijih igraonica na zelenim površinama	78	ODOBREN
5	Udruženje Teodora Prijedor	Afirmacija mladih za opstanak na selu	78	ODOBREN
6	Udruženje za pomoć mentalno nedovoljno razvijenim licima Prijedor	Socijalizacija, rehabilitacija i rekreacija lica sa posebnim potrebama	71	ODOBREN

Za omladinske organizacije sa područja opštine Prijedor dobar početak godine već na samom startu. Naime, u januaru 2012.god. je za omladinske organizacije dodjeljeno 15631,49 KM udruženih sredstava opštine Prijedor, Fondacije Arcelor Mittal i Agencije lokalne demokratije Prijedor.

R.b.	Omladinska organizacija	Naziv projekta	Vrijednost (KM)	Broj bodova
1.	OO „UM“	Humanitarna akcija porodici Jasnić	2.000	72
2.	OO „ Dom mladosti „	Susreti mladih	2.900	65
3.	OO „ Free skill „	Bolji fokus	2.500	63
4.	OO „ Donja Puharska „	Sportom i zdravom ishranom do zdravog života	1.791,49	62
5.	NG „ Sound engineering „	Proces aranžiranja, audio snimanja i editinga	1.390	62
6.	OO „ Free Skill	Internet novinarstvo	1.050	59
7.	OO „ Stop drogi „	Kreativni dnevni centar	2.500	58
8.	OO „ Glide „	Edukacija mladih u pisanju projekata	1.500	54
UKUPNO :			15.631, 49	



TUZLA

Općina Tuzla je u oktobru prošle godine raspisala javni poziv za sufinansiranje programa/projekata udruženja i fondacija iz oblasti društvenih djelatnosti na području općine Tuzla u 2011. godini. U okviru ovog javnog poziva, 153 udruženja dobila su ukupno 249.050,00 KM.

Za kulturne manifestacije, kroz grantove neprofitnim organizacijama, Općina Tuzla je u prošloj godini izdvojila 103.400,00 KM, a za sportske manifestacije 64.980,00 KM. Za trenazni proces 33 sportska kluba Općina je izdvojila 299.995,72 KM. Za direktno finansiranje 23 nevladine organizacije iz budžeta, Općina Tuzla je izdvojila 3.745.150,00 KM, kako slijedi:

R.B.	Ime kluba i drugih nosilaca programa	2011. godina
1	Aero klub Tuzla	41.650,00
2	Crveni križ općine Tuzla	46.100,00
3	Fudbalski klub Sloboda	85.000,00
4	JP BIT Centar Tuzla	40.000,00
5	JP Radio Tuzla	250.000,00
6	JP SKPC Mejdan Tuzla	42.500,00
7	JU Centar za socijalni rad Tuzla	608.000,00
8	JU Dom mladih Tuzla	290.000,00
9	JU Gradski stadion Tušanj Tuzla	270.000,00
10	JU Muzej istočne Bosne Tuzla	10.000,00
11	JU Narodna i univerzitetska biblioteka Derviš Sušić Tuzla	48.000,00
12	JU Narodno pozorište Tuzla	100.000,00
13	JU Obdanište Naše dijete Tuzla	1.350.000,00
14	Košarkaški klub Sloboda-Dita	49.300,00
15	Međunarodna galerija portreta	75.000,00
16	Narodna kuhinja Imaret	210.000,00
17	Općinsko udruženje samostalnih privrednika	17.000,00
18	RPC Tuzla - Inkubator Lipnica	100.000,00
19	Sportski savez općine Tuzla	28.000,00
20	Udruženje penzionera općine Tuzla	17.000,00
21	Udruženje poljoprivrednika	20.000,00
22	UG Kuća plamena mira	21.250,00
23	Ženski košarkaški klub Jedinstvo Tuzla	26.350,00
	Ukupno	3.745.150,00



Općina Zavidovići uključena u brojne projekte nevladinog sektora

U skladu sa Sporazumom između Općinskog vijeća, Općinskog načelnika i nevladinih/neprofitnih organizacija, u budžetu općine Zavidovići za 2011. godinu planirana su i realizovana sredstva za podršku nevladinom sektoru u iznosu od cca 200.000,00 KM i to u oblastima:

- sport i fizička kultura, 160.000,00 KM
 - kulturne djelatnosti i kulturne manifestacije, cca 25.000,00 KM,
- unaprjeđenje infrastrukture NVO, edukacija, unaprjeđivanje položaja djece i mladih, zaštita ljudskih prava, zaštita zdravlja žena, ekologija, cca 15.000,00 KM.

Pored navedenih sredstava koja su putem javnih poziva odobravana za projekte nevladinih organizacija, Općina Zavidovići je u 2011. godini učestvovala u sufinansiranju projekata nevladinih organizacija sa:

- UNDP- LOD II, za tri nevladine organizacije sa područja općine Zavidovići. Na ukupnu vrijednost projekata od 74.659,00 KM udio Općine od 10% u visini od 7.465,00 KM.
- Fondacija "MOZAIK"- Omladinska banka, za 16 projekata neformalnih grupa mladih, čija je ukupna vrijednost 84.311,00 KM, Općina je učestvovala sa 15.143,00 KM.
- Turistička zajednica ZE-DO kantona - Projekat T.A.J.A.N, u partnerstvu sa UG SNIK "Atom", ŠPD ZDK i Općinom. Ukupna vrijednost projekta 915.328,00 KM. U 2011. godini Općina je učestvovala sa 30.000,00 KM.
- Fond za zaštitu okoliša Federacije BiH - uređenje obala rijeke Bosne, u partnerstvu sa NVO iz oblasti ekologije. U ukupnoj vrijednosti projekta od 33.936,00 KM Općina je učestvovala sa 8.484,00 KM
- Program SEENET-Projekat "Razvoj konkurentnih proizvodnih modela za održivu poljoprivredu", kojeg finansira Regija Piemonte Italija, a na lokalnom nivou realizuje se u partnerstvu Općine Zavidovići, Razvojne agencije Zavidovići i Ambasade lokalne demokratije Zavidovići.

Općina Zavidovići je učestvovala kao aktivan partner sa ALD Zavidovići u Projektu "Sigurno mjesto-program podrške žrtvama porodičnog nasilja", pri čemu su u toku trajanja Projekta u 2011. godini bili angažovani djelatnici Službe za upravu društvenih djelatnosti i opću upravu općine Zavidovići, u okviru nadležnosti Službe.

Za 2012. godinu u Budžetu općine Zavidovići planirana su sredstva za podršku programima i projektima nevladinih organizacija u oblastima: kulture, sporta, edukacije, zaštite okoliša, unaprjeđivanja položaja djece i mladih, socijalne i zdravstvene zaštite žena, razvoja poljoprivrede i turizma, u ukupnom iznosu cca 250.000,00 KM.



Općinsko vijeće Zavidovići je u 2011. godini i početkom 2012. godine usvojilo nekoliko strateških dokumenata:

- Strategije omladinske politike na području općine Zavidovići 2011.-2015. godina,
- Strategija integrisanog razvoja općine Zavidovići za period 2012.-2016. godina,
- Općinski plan upravljanja otpadom 2011.-2016. godina, Nacrt Lokalnog ekološkog akcionog plana općine Zavidovići za period 2012.-2017. godina.

Navedenim strateškim dokumentima predviđeno je i angažovanje organizacija civilnog društva u pojedinim oblastima, odnosno saradnja lokalnih organa vlasti sa nevladinim sektorom u njihovoj implementaciji.



Organizacije civilnog društva Osječko-baranjske županije za EU!

Povodom referenduma za pristupanje Republike Hrvatske Europskoj uniji 18. 01. 2012. u prostorijama Volonterskog centra Osijek, trinaest organizacija civilnog društva, koje djeluju na području Osječko-baranjske županije, organizirale su tiskovnu konferenciju na kojoj su izrazile svoj zajednički stav prema ovom aktualnom i važnom pitanju.

Naglašeno je kako je potpora EU bila ključan element za postizanje promjena u društvu, te je pristupanjem Europskoj uniji potrebno i dalje raditi na demokratizaciji i podizanju standarda. Zajednička ocjena okupljenih udruga bila je kako je Hrvatska spremna za ulazak u uniju, te će pristupanje uniji donijeti brojne beneficije, osobito mladima, kroz poticanje mobilnosti u obrazovanju i radu.

Upravo stoga i slijedom kontinuiranog afirmativnog stava prema integracijskim procesima, u koje je uloženo puno energije, okupljene organizacije civilnog društva potvrdile su važnost europske budućnosti našeg društva i pozvale građane da glasuju za ulazak Republike Hrvatske u EU.



Organizacije civilnog društva, potpisnice:

*Agencija lokalne demokracije, Osijek
Centar za mir, nenasilje i ljudska prava Osijek
Mirovna grupa Oaza, Beli Manastir
Nansen dijalog centar, Osijek
Organizacija za Građanske Inicijative - OGI, Osijek
Projekt građanske demokratske inicijative - P.G.D.I., Beli Manastir
PRONI Centar za socijalno podučavanje, Osijek
Udruga za kreativni razvoj SLAP, Osijek
Udruga za rad s mladima "Breza", Osijek
Volonterski centar Osijek
Zaklada za razvoj lokalne zajednice "Slagalica", Osijek
ZVONO Udruga djece i mladih s poteškoćama u razvoju, Belišće
Ženska udruga "Izvor", Tenja*



Koraci ka Sporazumu o saradnji sa lokalnom samoupravom ili kako osnovati Kancelariju za mlade

U Subotici se ovih dana umrežavaju nevladine organizacije – grupe mladih i one koje se bave pitanjima mladih, kako bi ipak i pre lokalnih izbora koji su zakazani za 6. Maj 2012., izdejstvovale otvaranje dugo očekivane Kancelarije za mlade koja bi bila dovoljno operativna i osposobljena da priprema i razvija projekte od interesa za omladinsku populaciju. Aktivisti Centra lokalne demokratije i Romskog edukativnog centra zajedno sa grupom od preko 15 organizacija uključeni su proces izrade i predlaganje Sporazuma kao i konsultacije po pitanju pravnog okvira i samog osnivanja Kancelarije.

Pripreme dakako podrazumevaju i izradu nacrtu sporazume koji se uskoro dostavlja članovima Gradskog veća, a koji za sada sarži i između ostalih, sledeće odredbe koje su predmet usaglašavanja:

Obaveze Koordinatora kancelarije za mlade:

- realizuje aktivnosti vezane za stvaranje pravnog okvira LKZM;
- izrađuje registar svih omladinskih i organizacija koje se bave mladima;
- Informiše sve lokalne aktere zadužene za realizaciju omladinske politike (u cilju prosleđivanja informacija o javnim konkursima, edukacijama, treninzima, omladinskim programima);
- organizuje u saradnji sa Mrežom i Članom gradskog veća za sport i omladinu javne informativno-konsultativne sastanke sa ostalim relevantnim akterima omladinske politike (vezane za zadatke buduće Kancelarije za mlade, opis posla i stručne kompetencije njenog koordinatora, učestvuje u komisiji koja odabira Koordinatora LKZM - nakon sticanja njenog pravnog legitimiteta);

Obaveze člana Gradskog veća za sport i omladinu:

- obezbeđuje prostor za rad Kancelarije za mlade, obezbeđuje pokrivanje operativnih troškova funkcionisanja;
- posreduje pri ostvarivanju kontakata i ugovaranju sastanaka sa predstavnicima Lokalne samouprave, Pokrajinskog i Republičkog Ministarstva za omladinu i sport (načelnik odeljenja za Društvene delatnosti, predsednik, sekretar Skupštine Grada...);
- posreduje u prosleđivanju informacija svim akterima lokalne omladinske politike o mestu, vremenu održavanja kao i zaključcima informativno-konsultativnih sastanaka i aktivnosti na kojima se izrađuje LAP ;
- održava stalni kontakt sa Koordinatorom Kancelarije i predstavnicima Mreže u cilju razmene informacija o planiranim i održanim aktivnostima informativno-konsultativnog procesa, mogućnostima i realizaciji projekata iz oblasti rada sa mladima;

Obaveze Mreža omladinskih i organizacija koje se bave mladima

- pruža podršku Koordinatoru u kreiranju registra omladinskih i organizacija koje se bave mladima;
- pruža podršku Koordinatoru u organizaciji i realizaciji aktivnosti informativno-konsultativnog procesa sa ostalim relevantnim institucijama;
- registruje Gradski Savez udruženja koje se bave mladima (april 2012.);
- članice Mreže posredstvom jedne od organizacija ili Gradskog Saveza apliciraju na minimum 3 konkursa za projekte koje se bave mladima i u njih uključuju svoje članove, volontere i saradnike (maj-oktobar 2012.)





Civil Society In Action For Dialogue And Partnerships

Glavni ciljevi dvogodišnjeg projekta su:

- Podrška unapređenju organizacijskih i upravljačkih kapaciteta nevladinih organizacija koje su uključene u promociju demokratskog upravljanja na lokalnom nivou;
- Podrška lokalnim inicijativama koje promovišu demokratske potencijale organizacija civilnog društva i njihovu ulogu u dobrom lokalnom upravljanju;
- Podsticaj umrežavanju sektorskih nevladinih organizacija na lokalnom i regionalnom nivou u Bosni i Hercegovini;
- Unapređenje informisanosti i jačanju svijesti javnosti o evropskim standardima dobrog upravljanja i učešća građana u odlučivanju;
- Podsticaj unapređenju međusektorske saradnje organizacija civilnog društva i lokalnih vlasti u Bosni i Hercegovini kao i umrežavanju sa partnerima u drugim IPA zemljama i zemljama članicama Evropske unije.

Glavne aktivnosti projekta su grupisane u sljedeće komponente:

- **Akcije podizanja svijesti:** sadrže tematsku konferenciju u Tuzli na početku projekta; organizovanje lokalnih kampanja podizanja svijesti je podrška efikasnoj implementaciji sporazuma o saradnji na opštinskom nivou u Tuzli, Mostaru, Bihaću, Brezi, Zavidovićima i Prijedoru; serije internet i medijskih kampanja; lokalne javne debate; štampanje promotivnog materijala projekta; elektronski bilten, Priručnik o dobrim praksama, štampanje šest NVO adresara, završna konferencija i NVO sajam u Mostaru.
- **Komponenta izgradnje kapaciteta** uključuje četiri dvodnevna trening seminara za lokalne NVO-e i lokalne vlasti na teme strateškog planiranja, upravljanja projektnim ciklusom, vještina zagovaranja, komunikacije i odnosa sa javnosti.
- **Razmjena dobrih lokalnih praksi** uključuje četiri dokumentarna filma: zona dobrog lokalnog upravljanja u implementaciji lokalnih sporazuma o saradnji i promociji NVO-a koji zagovaraju razvoj demokratije na lokalnom nivou; jednu studijsku posjetu kolega iz EU, te okrugli sto sa lokalnim zainteresiranim stranama u Bosni i Hercegovini o dobrom upravljanju i učešću građana u donošenju odluka i izradi politika; regionalno umrežavanje i izgradnja partnerstva koje će povezati OCD i vlasti.

Sektorsko umrežavanje i izgradnja partnerstva

imaju za cilj da pomognu ojačati ulogu civilnog društva u konsolidaciji participativne demokratije na lokalnom nivou, što je suština ovog projekta. Osnovne aktivnosti civilnog društva uključuju izgradnju kapaciteta, kampanje informisanja i zagovaranja, razvoj komunikacijskih alata kao i razmjena dobrih praksi lokalnog pristupa između opština u Bosni i Hercegovini, ali i kroz interakciju sa susjednim IPA zemljama i zemljama članicama EU.



[Kontakti](#)





KONTAKTI

Nosilac projekta:



Asocijacija agencija lokalne demokratije

Adresa: c/o Council of Europe 67075 Strasbourg, France

Tel: +33 390 214 593; Fax: +33 390 215 517

E-mail: antonella.valmorbida@aldaintranet.org

www.alda-europe.eu

Partneri:



Agencija lokalne demokratije Mostar

www.ldamostar.org, E-mail: ldamostar@aldaintranet.org



forum građana tuzle

Forum građana Tuzle

www.forumtz.com, E-mail: fgt-urbana@forumtz.com



Udruženje građana

“Demokratija—Obrazovanje—Napredak—DON” Prijedor

www.donprijedor.com, E-mail: info@donprijedor.org

CLR Breza

Udruženje građana “Centar za lokalni razvoj” Breza

E-mail: clrbreza@gmail.com



Udruženje građana “Demokratski centar Nove nade” Bihać

E-mail: dcnbi@bih.net.ba



Agencija lokalne demokratije Zavidovići

www.lda-zavidovici.it, E-mail: ldazavidovici@aldaintranet.org



Agencija lokalne demokratije Subotica

www.lda-subotica.org, E-mail: ldasubotica@aldaintranet.org



Agencija lokalne demokratije Osijek

www.lda-osijek.hr, E-mail: ldaosijek@aldaintranet.org

DELEGACIJA EVROPSKE UNIJE U BOSNI I HERCEGOVINI

Skenderija 3A, 71000 Sarajevo

Tel: +387 33 254 700; Fax: +387 33 215 292

www.delbih.ec.europa.eu



Projekat finansira
Evropska unija



Ova publikacija je urađena uz pomoć Evropske unije. Sadržaj publikacije je isključiva odgovornost Asocijacije agencija lokalne demokratije—ALDA, i ni u kom slučaju ne predstavlja stanovišta Evropske unije.

Ako ne želite više da primete naš newsletter, molimo da [kliknete ovdje](#)
Imate pitanje ili komentar? Pišite nam na: fgt-urbana@forumtz.com



Civil Society In Action For
Dialogue And Partnerships